

# e-Buletin

EDISI OKTOBER 2024

# JSKM

**Ts. Dr. Rozita Kadar**  
Pendidik Berwawasan,  
Pemimpin Inspirasi.

**KELUARAN KE-12**

eISSN 2637-0077



9 772637 007004



# ISI KANDUNGAN e-BULETIN

## Sidang Redaksi:

### Ketua Editor

Dr. Siti Nurleena Abu Mansor

### Editor

Ts. Jamal Othman

Pn. Siti Mariam Saad

En. Ahmad Rashidi Azudin

## Terbitan:



UNIVERSITI  
TEKNOLOGI  
MARA

Cawangan Pulau Pinang

### Unit Penerbitan e-Buletin

Jabatan Sains Komputer dan Matematik

UiTM Cawangan Pulau Pinang

13500 Permatang Pauh

Pulau Pinang

Kata Pengantar Ketua Editor 02

Kata Pengantar Koordinator 03

Pendidik Berwawasan,  
Pemimpin Inspirasi 04

Laporan Aktiviti 05

Perkongsian 31

Puisi 59

Uji Minda 64

# PERKONGSIAN



## Serikandi Islam: ASMA' BINTI ABU BAKAR, PEMILIK DUA TALI PINGGANG

Farah Hayati Mustapa

**Saidatina Asma' binti Abu Bakar r.a. seorang Sahabiah, adalah puteri kepada Saidina Abu Bakar As-Siddiq, sahabat Rasulullah S.A.W.**

Ibunya bernama Qutaylah binti Abdul Uzza. Saidatina Asma' dilahirkan pada 595M, 27 tahun sebelum hijrah. Saudara kandungnya bernama Abdullah bin Abu Bakar. Selepas Abdullah dilahirkan, Abu Bakar telah menceraikan Qutaylah, iaitu selepas Abu Bakar memeluk Islam, manakala Qutaylah dikatakan tidak memeluk Islam. Selepas itu, Abu Bakar menikahi Ummu Ruman binti Amir. Abu Bakar dan Ummu Ruman dikurniakan dua anak iaitu Abdurrahman dan Saidatina Aishah r.a. Maka, Saidatina Asma' adalah kakak kepada Saidatina Aisyah r.a., isteri kesayangan Rasulullah S.A.W. Saidatina Asma' telah memeluk Islam bersama-sama golongan yang awal memeluk Islam dan dikatakan beliau merupakan orang ke 18 yang memeluk Islam.

Saidatina Asma' binti Abu Bakar r.a. adalah seorang isteri yang sangat solehah. Beliau berkahwin dengan Zubair bin Awwam r.a., sepupu Rasulullah S.A.W dan juga salah seorang sahabat Rasulullah S.A.W yang dijamin masuk syurga. Pada ketika beliau ingin bernikah, Zubair bin Awwam dalam keadaan yang sangat miskin harta kecuali seekor kuda yang digunakan untuk berperang. Hasil perkahwinan ini, mereka dikurniakan beberapa orang anak antaranya Abdullah bin Zubair.

Pada 622M, ketika Rasulullah S.A.W dan ayahandanya, Abu Bakar dikejar oleh kaum kafir Quraisy, kedua-duanya telah bersembunyi di Gua Thur yang terletak di atas Jabal Thur, kira-kira 4 kilometer ke selatan Masjidil Haram, Mekah. Rasulullah S.A.W. tinggal di Gua Thur selama 3 hari sebelum menuju ke Madinah untuk berhijrah. Saidatina Asma' telah datang ke tempat persembunyian itu untuk membawa bekalan makanan dan minuman. Beliau telah merobek tali pinggangnya menjadi dua, satu

untuk dipakai di pinggang dan satu lagi dijadikan sebagai pengikat bekalan makanan pada unta yang nabi bawa bersama untuk memudahkan perjalanan baginda. Apabila Rasulullah S.A.W. mendapat tahu akan perkara tersebut, Rasulullah S.A.W. telah mendoakan untuk Saidatina Asma' supaya Allah menggantikan dua tali yang beliau gunakan itu dengan tali pengikat yang lebih baik di syurga. Rasulullah S.A.W. menggelarkan dengan jolokan Zatul Nitaqain yang bermaksud wanita yang mempunyai dua tali pinggang.

Sewaktu berulang-alik menghantar makanan ke Gua Thur, Saidatina Asma' pernah dipukul oleh Abu Jahal ketika beliau sedang sarat mengandung kerana Abu Jahal ingin mengetahui keberadaan Rasulullah dan bapanya. Beliau akhirnya mengikut nabi berhijrah ke Madinah dan melahirkan anak di Quba'. Kelahiran anaknya tersebut sangat menggembirakan umat Islam kerana pada waktu itu umat Islam telah dimaklumkan bahawa orang-orang Yahudi di Madinah telah menghantar sihir

kepada orang-orang Muhajirin supaya orang-orang Muhajirin tidak boleh melahirkan anak di Madinah. Maka anak yang pertama lahir di Madinah daripada golongan Muhajirin adalah Abdullah bin Zubair, anak Saidatina Asma' binti Abu Bakar. Rasulullah S.A.W. telah mentahniqkan anak itu.

Saidatina Asma' juga adalah salah seorang perawi hadis Rasulullah S.A.W. Beliau menghafal dan meriwayatkan 58 hadis baginda dan 26 daripadanya terkandung dalam Sohih Bukhari dan Muslim. Menurut Abdullah bin Zubair, ibunya seorang yang sangat pemurah, apa sahaja yang ada padanya, beliau akan menyumbang sampai habis. Pada zaman pemerintahan Bani Umayyah, anaknya Abdullah bin Zubair datang meminta nasihat daripada Asma' yang pada ketika itu berusia 100 tahun. Ini kerana Khalifah Malik bin Marwan memerintahkan Hajaj bin Yusuf memerangi Abdullah supaya dia dapat menguasai Iraq, Hijaz dan Yaman. Saat anaknya Abdullah meminta pendapat daripada beliau tentang keadaan anaknya yang telah dikepung oleh Bani Umayyah, beliau telah memberi semangat kepada anaknya untuk terus berjuang dengan kalimah 'isy kariiman au mut syahidan' yang bermaksud hidup mulia atau mati syahid. Akhirnya, pada 17 Jamadilawal tahun ke 73 Hijrah, Abdullah terbunuh akibat serangan pasukan tentera Hajaj yang terlalu ramai. Hajaj mengarahkan salah seorang tentera menyalib mayat Abdullah pada sebatang tiang. Saidatina Asma' menulis surat kepada Malik bin Marwan meminta supaya mayat anaknya yang disalib itu diturunkan supaya dapat dikuburkan. Seminggu selepas pengebumian Abdullah, Asma' binti Abu Bakar menghembuskan nafas terakhirnya di Mekah. Az-zahabi berpendapat, beliau adalah sahabat terakhir yang meninggal dunia di kalangan orang Muhajirin.





الجامعة  
UNIVERSITI  
TEKNOLOGI  
MARA

Cawangan Pulau Pinang

**Unit Penerbitan e-Buletin**  
**Jabatan Sains Komputer dan Matematik**  
**UiTM Cawangan Pulau Pinang**  
**13500 Permatang Pauh**  
**Pulau Pinang**

eISSN 2637-0077



9 7726 3700 7004